



**REPÚBLICA DEMOCRÁTICA DE TIMOR-LESTE
GABINETE DO PRIMEIRO-MINISTRO**

**ALOKUSAUN
SUA EXELÊNCIA PRIMEIRO-MINISTRO
KAY RALA XANANA GUSMÃO
IHA OKAZIAUN DA SERIMÓNIA TRANSFERÊNCIA
RESPONSABILIDADE EZEKUTIVA HUSI UNPOL BA
PNTL IHA DISTRITU OECUSSE**

**30 de Junho de 2009
Oecusse**

Exmo. Senhor Sekretáriu Estado ba Seguransa, Dr. Francisco Guterres,

Exmo. Senhor Xefe Estadu-Maior Jeneral F-FD'TL, Brigadeiro-General Taur Matan Ruak,

Exmo. Senhor Komandante-Jeral PNTL, Komissáriu Longuinhos Monteiro,

Exmo. Senhor 2º Komandante-Jeral PNTL, Komissáriu Afonso de Jesus,

Exmo. Senhor Representante Sekretáriu-Jeral ONU, Dr. Atul Khare,

Exmo. Senhor Komandante Polísia Nasones Unidas, Superintendente Xefe Luís Carrilho,

Exmos. Senhores Representante Korpu Diplomátiku,

Distintus Konvidadus

Ha'u nia liafuan uluk liu, ha'u sei hato'o ba Atoni sira, fetu no mane rain Oecusse. Rai ida nebé tur hakmatek, ema mesak diak, iha nebé ha'u mós sinti orgulho atu mai.

Fatin ida nebé dok husi poder político, i tamba enklave ida, dok husi Rai bo'ot, maibe hotu-hotu hatene i Atoni sira temi beibeik "Oekussi mak la iha, Timor-Leste la iha" tamba malae mutin tun uluk iha rai ida né.

Ha'u aproveita ohin atu dehan ba Atoni sira katak ha'u rekonhese ami seidauk tau matan didiak ba imi, maibé mós, ha'u bele garante katak, nudar chefe do Governo, ha'u sei esforsa nafatin no liu tan atu desenvolve distrito ida né.

Imi bele fiar katak liafuan sira né, sei la os liafuan mamuk, ami, nudar Governo sei servisu ho laran tomak atu fo atensaun especial ida ba Oe-cusse.

Ofisiais, Sarjentos no Ajentes PNTL iha Distrito Oecusse

Ohin, imi sei hetan todan foun; todan né mak responsabilidade atu kaer no hala'o operações Policiais iha areas nebé imi hetan.

Hahú ohin, PNTL iha Oecusse, sei depende ba nia-an rasik, iha campo operacional nian.

Imi nia colegas UNPOL sira, nebé to'o horiseik sira mak kaer actividades Polícia nian tomak iha distrito ida né, sira hakotu ona sira nia responsabilidade comando hodi sai hanesan imi nia assessores deit.

Iha knar foun ne, sira fo apoio deit ba imi, apoio ne katak fo sira nia matenek, sira nia experiêncía i iha buat sira né, mak ita espera hetan sira nia tulun.

Ba imi, responsabilidade boot ida, nuné mos desafio boot ida. Oras to'o ona, atu, imi, Oficiais, Sargento no Agentes PNTL iha Oecusse, hatudo katak imi bele la'o mesak, bele kaer duni knar nebé fo ba imi.

Ha'u hakarak fo hanoin ba imi katak ami hotu, ita hotu, empenhado tebe-tebes atu hari Polícia foun ida. Polícia ida que população tomak bele respeita no admira. Polícia ida nebé,

hotu-hotu bele haré, katak eficaz no eficiente duni. Polícia ida ke comunidade Internacional, nebé fo tulun atu harí né, bele reconhece katak caso secesso ida.

Lolós, Polícia ida nebé ita hakarak, Polícia ida ke Timor oan hotu bele sente orgulho.

Ita tenke tau ba kotuk problemas ulu-uluk nian, ita tenki haluha tiha tempo at sira nebé halo imi hasés-an husi imi nia missão i, ohin ba oin, ita hotu tenki esforço atu, iha Distrito Oecusse, PNTL bele garante duni Segurança ba populasaun sira no ba sira nia sasán; PNTL ida ne bele garante ordem pública e Polícia ida ke bele, ho lalais, socosse população sira nebé hetan karik desastre ka kalamidade ruma.

Halo duni fulan ida, mak ami halo cerimónia hanesan né iha Distrito Lautém. Ha'u nia mensagem iha nebé, nuné mos iha né, mak polícia tenki respeita principio básico tolu, importante tebes atu fo imagem foun ida ba PNTL:

1. Cadeia Comando;
2. Hierarquia no
3. Disciplina.

- Cadeia Comando katak, iha tempo ka kondisõens sa-ida deit, imi obedece ba imi nia Comandante e só ba nia mak imi sei presta konta kona ba buat hotu nebé imi halo. Né katak, imi sei la simu ordem husi se-se deit, husi liur, la tuir estrutura Comando. Katak mós, decisão final, ida nebé imi tenki tuir maka decisão husi imi nia Comandante no só imi nia Comandante.

- Hierarquia Katak, servisu nebé imi hala'o, servisu né la'o tuir escalão Comando ida ke define tiha ona; tamba né, buat hotu nebé imi precisa atu hato'o, kona ba servisu ka kona ba imi nia an-rasik ka seluk tan, imi tenki tuir escalão sira né husi kraik ba leten.

- Disciplina, kona ba ida né, ha'u sei la ko'alia barak, tamba imi hatene disciplina ne sá-ida? No mós, imi hatene katak disciplina mak la iha, PNTL sei sai instituição ida ke fraca. Tamba né, imi tenki hala'o ordens nebé imi simu, hodi kumpri ho esforço, ho abnegação no dedicação boot.

Subordinados sira labele fali discute ordem, labele akontese simu tiha ordem murmura tun, murmura sai, nem bele husu fali tamba sá. Ordem, atu kumpre-kedas no to'o ramata!

Timor-Leste labele tan, tamba lebele duni, iha Polícia ida ke frágil. Ita nia Estado precisa Polícia ida ho kbit atu resolve problemas Segurança iha ita nia Rain, i ida né ita só bele hetan se ita iha Polícia ida disciplinada no coesa, katak metin.

Tamba né, nudar imi nia Ministro, ha'u sei la tolera quebra iha disciplina, ida nebé bele estraga polícia atu cumpre nia missão.

Ha'u halo votos katak, imi hotu, membros PNTL nebé servisu iha Distrito Oecusse, bele hetan sucessos iha servisu no responsabilidade nebé ohin imi simu.

Imi tenki tau imi nia matenek tomak ba causa Segurança Pública nian; imi tenki esforço maka'as ho aten brani no neon metin iha imi nia actividades. Liu-liu, se imi hakarak duni população atu respeita imi, imi labele haluha katak imi mak sei respeita uluk população, imi mak sei respeita uluk sira nia direitos, sira nia liberdades no garantías, imi mak sei respeita uluk labarik sira no sira nia hanoin no hakarak.

Imi labele haluha katak Polícia mos halo parte integrante sociedade

Ida. Polícia labele sinti hasés-an fali husi sociedade né. Imi mós pertence ba população iha né, tamba né imi tenki respeita ema hotu-hotu, la temi nia origem, tamba bain-hira imi respeita sira e imi mos foti respeito ba imi rasik.

E só nuné, mak imi kontribui ho diak liu tan atu harí ita nia Estado.

Obrigado barak!